

OLERKIAK

ESKALE BAT AURKITU DUTE HILIK ZISNEEN TXABOLAN

HARKAITZ CANO*

*"duyng.
Is an art, like everything else."*

S. Plath

Seguraski ez zenuen irakurriko
izan ere, iskiña batean agertu da berria
erdi ezkutaturiko zoko deslai batean
letra kurtsiba ulergaitzez,
eta "ze meritu dauka bizitzak sufrimendurik gabe?"
esango zenuke zeuk irakurrita ere, orria pasatuz.
Oreinek lasai dakite itxaroten Herioren azken muxua
ez dute inoiz arazorik izan hiltzeko garaian,
bai ordea gizakiek, bai ordea beren izena
parkeko aulki orlegietan ahaztuta utzi zutenek.

(*) Poesia hauek, duela gutxi "Imajina ezazu Euskadi" poesia saria irabazi duen autore gazte batenak dira.

Harkaitz Cano Jauregi, duela 18 urte Lasarten jaioa. Bere ikasketak Lasarte-Oriako Ikastola Landaberrin eta ondoren Santo Tomas Lizeoan burutu ditu. Une honetan UBI amaitzen ari da.

Gazteak bultzaka datozen seinalerik garbienetakoa Harkaitz Cano-ren kasua.

Seguraski ez zenuen irakurriko
izan ere, hainbeste orri ditu egunkariak...
eta halere abezadario orok, abenida guztiek
piano musikaz
garamatzate gaur heriotzaren plaza borobilerara;
hagitzez hobe genuke gure itzala urkatuz
geure hilobiak tulipan beltzez adornatzea,
baina gaur egun ez da inor amodioagatik suizidatzen...

Seguraski ez zenuen irakurriko,
baina zurbilik erabat eta hilotz
eskale bat aurkitu dute hilik zisneen txabolan
gorputz izateari utzita, egurrezko azalez,
beso bat tinko omen zeukan oraindik
ilargi erruduna seinalatuz.

Tximeleta beltzak zokoetan;
orain zisneak bakarrik dabilta parkean.